

Қазақстан Республикасы Білім және ғылым министрлігі Ғылым комитетінің
Ш. Уәлиханов атындағы Тарих және этнология институтымен және "Мемлекет тарихы
институты" мемлекеттік мекемесімен шығармашылық байланыста шығарылады

КАЗАК

№2 (113), 2012

ТАРИХЫ

ғылыми-әдістемелік журнал



2012 ЖЫЛҒА ЖАЗЫЛУ ЖАЛҒАСУДА

"Қазақ тарихы", "Қазақ әдебиеті және мемлекеттік тіл" журналдарына 2012 жылға жазылып үлгермегендер әр айдың 10-ына дейін жазылсаңыздар, келесі санынан бастап ала аласыздар!

Еліміздің бір оқу орнынан 12 адам 2012 жылдың қалған айларына толық жазылса (екі журналға 6 – 6-дан болса да), сол ұжымның барлық саладағы жетістіктерін насихаттап, озат ұстаздары мен шәкірттерін түрлі-түсті фотосуреттерімен "Қазақ әдебиеті және мемлекеттік тіл" журналының мұқабасына жариялаймыз.

Сондай-ақ "Қазақ тарихы" баспасынан бұл журналдармен қатар қилы-қилы тақырыптарды қамтитын кітаптар шығады. Ондағы басты ұстанымымыз – кітаптың сапасы мен оқырман қалтасын қақпайтын қолжетімділігі.

Ендеше кітап шығарғыңыз келсе, "Қазақ тарихына" хабарласыңыз!

Редакция.

E-mail: kaztar62@mail.ru kazadeb@yandex.kz тел/факс: 8 (727) 226-70-38

ДҮБІРЛІ МЕРЕЙТОЙ ЖӘНЕ ҚАЗҰУ ЭДВАЙЗЕРЛЕРІ

Мәдина ОМАРОВА, Күлшат СЫМАҒҰЛОВА,
Әл-Фараби атындағы ҚазҰУ-дың
халықаралық қатынастар факультетінің доценттері

Қазақстанның саяси-экономикалық, мәдени-әлеуметтік және оқу-ағарту саласындағы жеткен жетістіктерінің барлығы – тәуелсіздігіміздің, Елбасының дәйекті түрде жүргізген саясатының, қазақ халқының қажымас қайратының жемісі. Жас мемлекет тарихындағы жаңа дәуір дәл осы Тәуелсіздіктен бастау алады.

Тәуелсіздік тойына әрбір қазақстандық өз үлесін қосты. Білім беру саласында аянбай еңбек етіп жүрген ұлағатты ұстаздар жас ұрпаққа сапалы білім, саналы тәрбие беріп, ел игілігін арттыру мақсатында игі іс-шаралар атқарды. Солардың бірі – әл-Фараби атындағы Қазақ ұлттық университеті халықаралық қатынастар факультеті дипломатиялық аударма кафедрасының куратор-эдвайзерлері. Олар дүбірлі мерейтой қарсаңында студент жастардың рухын көтеруге, тәлім-тәрбие беруге бағытталған түрлі шаралар өткізді.

2011 жылдың 21 қазан күні Қазақстан Республикасы тәуелсіздігінің 20 жылдығына арналған ашық тәрбие сағаты өтті. Аталмыш шараны ұйымдастырушылар қатарында Дипломатиялық аударма кафедрасының эдвайзерлері – тарих ғылымдарының кандидаты, доцент М.Омарова, философия ғылымдарының кандидаты, доцент К.Смағұлова, сынды оқытушылар бар. Осы ретте дипломатиялық аударма кафедрасының меңгерушісі, профессор А.Байтоқбаевтың, оқу-әдістемелік жұмыс жөніндегі кафедра меңгерушісінің орынбасары, доцент С.Бөрібаевтың эдвайзерлерге ашық сағаттарды ұйымдастыруда жан-жақты қолдау көрсетуінің арқасында тәрбие сағаттары жоғары деңгейде өткенін атап айтуға болады. Бұл шараның басты мақсаты еліміздің тірегі болатын болашақ мамандардың тәуелсіз Қазақстанның даму тарихына, сыртқы саясатына қатысты білімдерін одан әрі тереңдетіп, олардың туған жерге, отанға деген сүйіспеншілігін арттырып, патриоттық сезімін ояту болды.

Өткен жылдың 4 қараша күні дипломатиялық аударма кафедрасының доценттері С.Бөрібаева, Б.Ақбұзауова, Б.Құлжанова, М.Омарова, К.Сымағұлованың ұйымдастыруымен «Адам және құқық: тәртіп бұзушылық» атты тақырыпта дөңгелек үстел өткізілді. Халықаралық құқық кафедрасының доценті, заң ғылымдарының кандидаты М.Самалдықов Халықаралық құқық-18, Халықаралық қатынастар-12, Халықаралық қатынастар-15, Аймақтану-20-топтары қатысқан дөңгелек үстелдің қадірлі қонағы болды. Ол студенттерге өте мазмұнды да тәлімді дәріс оқып, аталмыш тақырып төңірегіндегі өзекті мәселелерді көтерді. Студенттер өз тарапынан баяндамалар мен хабарламалар дайындап, өте жоғары деңгейдегі белсенділік танытты.

2011 жылдың 18 қараша күні «Мұстафа Шоқай –

түркі әлемінің алыбы» атты зияткерлік сұхбаттың өткізілуіне жоғарыда аталған эдвайзерлер басшылық жасады. Сұхбат барысында факультет студенттері Мұстафа Шоқайдың өмірі мен қызметіне қатысты баяндамалар жасап, өз ойларын ортаға салды. Бұл шара студенттердің қазақ халқының тарихына, мәдениетіне және әдебиетіне қатысты білімдерін жетілдіре отырып, кезінде саяси қуғын-сүргін құрбандары болып, кейіннен қайта ақталған ұлы тұлғалардың бірі Мұстафа Шоқайды еске алу мақсатында өтті.

2011 жылдың 22 қараша күні эдвайзерлер М.Омарова, К.Сымағұлованың ұйымдастыруымен «Әлем халықтарының студенттік дәстүрлері» атты ашық тәрбие сағаты өткізілді. Тәрбие сағаты барысында студенттер АҚШ-тың, Англияның әйгілі университеттері мен олардың студенттері туралы хабарлама дайындап, студенттер өміріне қатысты күлкілі әңгімелермен бөлісті. Сондай-ақ қазіргі заманғы би өнері көрсетіліп, соңында «Баттерфляй циркі» атты тәрбиелік-танымдық қысқаметражды фильм көрсетілді. Тәрбие сағатына университеттің тәрбие бөлімінің маманы Әлия Атабекқызы қатысты.

2011 жылдың 2 желтоқсан күні кафедра доценттерінің ұйымдастыруымен белгілі ақын, елші И.Сапарбаевпен кездесу өткізілді. Исраил Сапарбаев өзінің патриоттық және лирикалық өлеңдерінен оқып, Желтоқсан оқиғасына қатысты өз ойымен бөлісті. Студенттер өздерін қызықтырған сұрақтарға жауап алып, соңынан концерттік бағдарламаларын ұсынды.

7 желтоқсан күні Әлем кубогының иегері, самбодан КСРО-ның 2 дүркін чемпионы Айтжан Шаңғараевпен кездесу өткізілді. Кездесуді ұйымдастыруға сондай-ақ, дене тәрбиесі, шығыстану факультеттерінің оқытушылары мен студенттері де қатысты. Әңгіме әлемнің спорт саңлақтары, Қазақстандағы спорттың жағдайы, спорттың адам денсаулығы үшін маңыздылығы және Айтжан Шаңғараевтың жеке өміріне қатысты мәселелер төңірегінде өрбіді. Өзара сұхбаттан кейін, студенттер өздері дайындаған концерттік бағдарламасын көрсетті. Бұл шараны өткізудегі мақсат – студенттерді салауатты өмір салтын ұстануға құлшындыру.

Қысқасы, дипломатиялық аударма кафедрасы доценттерінің ұйымдастыруымен өткізілген осы шаралардың маңызы ерекше. Мұндай игі істер ел болашағының іргесін қалайтын студенттердің бойында отанды сүю, патриоттық рухты ояту, қазақ халқының тарихы мен мәдениетін, өнері мен салт-дәстүрін құрметтеу, тарихта аты қалған ұлы тұлғаларды үлгі тұту, ұйымшылдық пен ауызбірлікке шақыру, салауатты өмір салтын ұстану мақсатын көздеп, жастарды түзу жолға бастайтынына сеніміміз мол.